



# Tuhaqtidjutikhaq

Tuhaqtitauhainnaqtukhaq

## Havaqatigiiktut Tiibiiqangittaangani Nunavunmi: GN-kut ukualu NTI-kut tutqiqhaqtaat 2030 tikinahuarutaa

**Iqaluit, Nunavut (Qiqaijarvia 24, 2026)** – Nunavut Kavamanga (GN) Nunavut Tunngavitkutlu (NTI) naunaijaqtaat Nunarjuami Tiibiirnikkut Ublua imaa uqautigiffaaqhugit inmi havaqatigiingnikkut akhuurutitik piqangnairlugu tibiirniq (TB) Nunavunmi hamunga 2030-mun. Atauttikkut, hakugikhaliqtavut TB-kut aannialaqittailinikkut, ihivriurutinun, havautikhainnun qaujihimanikkullu qanuqtun pidjutiaqatun Inuit ihariagijainnik, hivulliutijumajainnik nunallaanilu qaujihimanirnik tamaani nunaptingni.

Nutqaqtitiniq TB-mik akhuurutit ikajurlugit ilagiit, munarittiarlugit hivuniptingni kingulivut, havaqatigilugillu nunallaat.

"GN-kut akhuuqhimmiaqtut uminga havaakhamik," uqaqtuq Aanniaqtailinikkut Minista Janet Pitsiulaaq Brewster. "Atauttikkut NTI-kut, aulahimaarniaqtugut nangiqatigilugit tamaita iligiit pijaangini tamaita inuit pijaangnirit munaridjutinun ikajuutinunlu ihariagijamingnik. Tamapta, hivumuuqpalliajugut TB-qangittaangani Nunavunmi."

TB aulahimaanginaqtuq nunalaani inuuhirinikkut ihumagijaunginaqtuq Nunavunmi. Kihimi, qaffiuniit inuit TB-qaqtut Nunavunmi ikiklijuumiqtut qanganuaq ukiuni, ilanga pidjutigijaat amigaijuumijut TB-mik ihivriurutit amigairjuumijullu mamitiidjutit Tiibiirnirmun aanniarutit (hiniktuq TB). NTI-kut tunihijut angijumik maniliqtuinirmik GN-kunun ikajuutighat hapkununga akhuurutinun, haamlatkununlu nunamingni hivuliqhuqtut kiudjutit nunallaani TBiirnirmun hiamitiqtut.

"Nutqaqtinnaqhijaqqut TB Nunavunmi," uqaqtuq NTI-kut Angijuqaanga Paul Irgaut. "Inuit tigumiaqtaat ajuqhaut TBiirnirmun qan'ngaraaluk. Aulahimaqtuq hulaqutaa itqaumadjutaujuq ulurianaqtunik atuqhimaajaptingnik tapkua pidjutigijaat ilaptingnun nunallaaptingnunlu ingilraanin. NTI-kut nangiqatigijait nunallaavut ukualu GN-kut ikajurlugit mamiharlugit hapkua uluriahuutit havaqatigiikhuta hakugikhijuumiriangani ihuaqhijuumirlugulu pijaangnirit TBiirnirmun munaridjutit havaglugillu upautidjutikhat atadjutiaqatun Inuit akhuurutainun."

